



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

22 d S. Peters deß Apostels Stulfeyr

**urn:nbn:de:hbz:466:1-41449**

Item inn Franckreich der heiligen Junckfrawen  
Vitaline.

Item zu Rom des H. Papis vnnd Reichthigers  
Symmachi / auß Sardinia geboren / war ein frommer  
Mann / der Geislichen vnd Armen liebhaber / der vonn  
den falschen Brüdern vil gelidten / vnd sich offentlich vor  
dem Geislichen Gericht hat entschuldiget. Vertribe die  
Manicheer auß Rom / ließ ire Bücher öffentlich verbren-  
nen: erlediget vil gefangne / zieret vñ bawet vil Tempel / Anno Dñi  
vnnd verschid im feiden / voller guter Werck / vnnd ward 512.  
durch wunderzeichen beweret.

d viij. Calend. Martij.

## Der XXII. tag im Hornung.

**A**ntiochia ist heut der tag der Stülfeyr des heyl-  
igen vnd fürnemesten Apostels Petri / welcher von  
den Herodianischen banden erlediget / des Land-  
vogts Theophili Sohn von Todten wider zum Leben  
bracht / vnnd sein Obersten gewalt vnnd Bischoflichen  
Stül sibden jar zu Antiochia gehabt / daselbst die Jünger  
erstmalts Christen genannt worden / derselben Apostel  
vnd der ersten Christen Papp / wie ihn Eusebius nennet /  
hat darnach seinen Apostolischen Stül vonn Antiochia  
gen Rom gesezet. Davon weytter am 18. tag des Jen-  
ners.

Item zu Hierapoli des H. Papis / der gewesen Jo-  
hannis des Apostels Jünger / vnd S. Policarpi Mitge-  
sell / auch ein Bischoff in der Statt Hierapolis / vnd vil  
far dem volck Gottes vorgestanden / vonn dem auch S.  
Hieronymus meldet.

G v

Item



## Februarius

Item in der Statt Salamina in Cypren gelegen/  
des H. Aristonis / so einer auß den 72. Jüngern Christi  
gewesen / vnnnd nach dem er sein Predigamt inn der  
Insel Cypren trewlich verricht / ist er daselbst im freid ver-  
schiden.

Item zu Alexandria des H. vnd nach S. Marco an-  
dern Bischoffs Abilij / wellicher das Bischofflich Ampt  
dreyzehen jar tugentreichlich verrichtet.

Anno Dñi 390.  
Item zu Rom des heyligen Pappst vnnnd Beichti-  
gers Siricij / eines gebornen Römers / so der Kirchen-  
sachen wol geordnet / die Manicheer vertriben / die Prie-  
sterlich keuschheit bestetiget / vnnnd endlich im freiden  
verschiden.

Item zu Wien des heyligen Bischoffs vnd Beich-  
tigers Paschasij / so wunderbarlich inn der heyligkeit ge-  
wesen.

Item die erhebung des Leibs des H. Erzbischoffs  
Gudwals.

e vij. Calend. Martij.

## Der XXIII. tag im Hornung.

**B**ei ist die Vigili vnd gebotten Fastabend des H.  
würdigen Apostels Matthe.

Anno Dñi 300.  
Item zu Syrmio der Tag des H. Mönchs  
vnd Marterers Syrent / der ward vmb des Christlichen  
Glaubens willen angeklagt / vnd auß befehl des Tyrani-  
nischen Kayfers Maximiani gefangen / vnnnd dieweil er  
sich einen Christen bekennet / enthauptet.

Item in gemelter Statt Syrmien haben auch 72.  
Marte-